

Allannguutissatut siunnersuut

uunga

**Uunga siunnersuut: Uumasut nappaataannik inunnut tunillaassorsinnaasunik taakkulu akuinik siaruaassinnaasunik akiuiniarneq pillugu Inatsisartut inatsisaat nr. xx, xx 2015-imeersoq.**

Pingajussaaneerneqarnissaanut Naalakkersuisunit saqqummiunneqarpoq.

§ 9-mut

1. § 9, *imm. 1* imatut oqaasertalerneqassaaq:

“*Imm. 1.* Uumasut Nakorsa qarfiat Inuussutissanullu Oqartussat inerteqqutinik aamma naalak-kiutinik aalajangersaasinnaapput uumasut nappaataannik inunnut tunillaassorsinnaasunik taakkulu akuinik siaruaassinnaasunik akiuiniarneq pillugu immikkut pineqaatissiinissamik ingerlatsisinnaanissamut killiliissutitut imaluunniit siaruaanissamut aarlerinarsinnaasunik naapigiaatissatut atuuttussanik.”

2. § 9, *imm. 2* imatut oqaasertalerneqassaaq:

“*Imm. 2.* *Imm. 1*-mi aamma *imm. 4*-mi malerugassat naapertorlugit pineqaatissiinerit ilaatigut ukununnga tunngasuusinnaapput:

1) Uumasunut uumasuutigisanut aamma uumasunut piniagassanut:

a) Misissuinerit immikkuullarissut,

b) nakkutilliinerit,

c) nalunaaqutsersuineq,

d) suliarinninnerni,

e) kapitinnerit,

f) uumasuunik immikkoortitsisoqarnerani

g) uumasunik tunisaqarnerni immikkut piunasaqaateqartitsinerni,

h) uumasunik toqutsinermi tassunga ilanngullugit sumiiffiit tunillaassuuffiusut eqqarisaani nunaminertani imaluunniit, immikkuullarissumik toqoraanermi aamma

i) isaterinerni,

2) Uumasuutinit pisunit tunisassiornermi aamma nerukkaatissiornermi, naggorissaatissat, maqalluk aamma atortussiat allat tunillatsisimasinnaasut:

a) Misissuinerit immikkuullarissut,

b) suliarinninnerni,

c) nalunaaqutsersuineq,

d) immikkuullarissumik atuisinnaanermut inerteqqutit,

e) immummik, manninnik tunisinerni immikkuullarissunik piumasaqaateqarneq aamma uumasunit pisut allat tunisassiat,

f) tunillannartuiaaneq,

g) piuneerussaaneq,

h) toqqorsiveqarnerni aamma peersitsinerni aamma

i) isaterineq.

3) Uumasuuteqarnermi atorneqartut illuutigisat, inuussutissalerinermik suliffeqarfiit, atortuutit, maskiinat aamma assartuinermit atortuutit:

a) aaqqissuussinermi aamma ingerlatsinermut immikkut piumasaqaatit,

b) eqqiluisaarneq aamma tunillannartuiaaneq,

c) akuersissutinik atorunnaarsitsinerni,

d) mattussinerni aamma

e) erngup ingerlaarnissaanut aamma allamut sangutinnissaanut inerteqqusiinerit.”””

**3. § 9, imm. 4** imatut oqaasertaqassaaq:

“Imm. 4. Naalakkersuisut inerteqqutinik aamma naalakkiutinik maleruagassanik aalajangersaasinnaapput uumasut nappaataannik inunnut tunillaassorsinnaasunik taakkulu akuinik siaruaassinnaasunik akiuiniarneq pillugu immikkut pineqaatissiinissamik ingerlatsisinnaanisamat killiliissutitut imaluunniit siaruaanissamat aarlerinarsinnaasunik naapigiaatissatut atuuttussanik..”

#### *§ 12-imut*

4. § 12, imm. 1, nr.1), imatut oqaasertalerneqassaaq:

“1) § 9, imm. 1 naapertorlugu aalajangiisoqarsimatillugu malitseqartitsinissamik pinngitsoortitsisoq, imaluunniit”

Allannguutissatut siunnersuummut nassuiaatit

#### **Nassuiaatit nalinginnaasut**

Allannguutissatut siunnersuut saqqummiunneqarpoq Aalisarnermut, Piniarnermut Nunalerinermullu Ataatsimiititap isumaliuutissiissutaa tunuliaqutaralugu aamma, inerteqqutinik aamma naalakkiutinik maleruagassanik politimesterip erseqqissumik inatsisitigut tunngavissaqalernissamik kissaateqarneranik naapigiaaniarluni. Politimesterip § 9 pillugu naliliinera, takuuk politimesterip tusarniarneqarnermini akissuteqaataa aammalu, § 9 pillugu ataatsimiititap oqaaseqaatai tunuliaqutaralugit tassunga ilanngullugit ataatsimiititap aalajangersakkap kingulliup suliarineqarnerani politimesterip tusarniarneqarsimannginneranut oqaaseqaataasa malitsigisaanik, matumani allannguutissatut siunnersuut saqqummiunneqarpoq. Allannguutissatut siunnersuuttip imarivai Naalakkersuisut inatsisitigut tunngavissaqalerneru inerteqqutinik aamma naalakkiutinik maleruagassanik ersarissunik tunngavissinneqarmata. Matumani inatsisissatut siunnersuummut allannguutissatut siunnersuuteqarnerup kingunerisaanik siunissami politimesteri tusarniarneqartassaaq inerteqqutinik aamma naalakkiutinik maleruagassanik aalajangersaasoqaleraangat. Nalunaarutit ilaalu ilanngullugit siunissami inatsisissatut siunnersuummik matumanga inatsisitigut tunngavissinneqarsimasinnaasut, suleqatigineqartussaasunut attuumassuteqartunut tusarniutaasassapput.

#### **Allannguutissatut siunnersuummi aalajangersakkanut ataasiakkaanut nassuiaatit**

#### *Nr. 1-imut*

Aalajangersakkap Uumasut Nakorsaqarfiat Inuussutissanullu Oqartussat inerteqqutinik aamma naalakkiutinik maleruagassanik aalajangersaasinnaanissaminnut inatsisitigut tunngavissaqalernerannik uumasut nappaataannik inunnut tunillaassorsinnaasunik taakkulu akuinik siaruaassinnaasunik akiuiniarneq pillugu immikkut pineqaatissiinissamik

ingerlatsisinnaanissamut killiliissutitut imaluunniit, siaruaanissamut aarlerinarsinnaasunik naapigiaatissatut atuuttussanik imaqartumik. Inerteqqutinik aamma naalakkiutinik tunniussineq ingerlatsinermi uppernarsaatitut taasaammata, Pisortat ingerlatsineranni suliassat suliarineqartarnerat pillugu Inatsisartut Inatsisaat nr. 8, 13. Juni 1994-imeersoq ingerlatsinermi maleruagassat atuutissapput tassunga ilanngullugit §§-ni 19-20-ni susassaqtunik tusarniaanissat. Suliani ataasiakkaani aalajangiinnermut tunngaviusut pisumut ataasiakkaamut attuumassuteqarnera apeqqaataassaaq aamma, aalajangernerup inatsisitigut eqqortuunera ingerlatsinermi inatsisit tunngaviusut maleruarneraat aamma maleruagassat § 9, imm. 4 naapertorlugit aalajangiunneqartut. Taamaasilluni missangiinnermut atatillugu killeqartitsisoqarpoq naliliinermilu, kinaassusersiunnigitsumik tunngavilersorluni piunasaqaatit ilaatigut aamma, uuttuutit naleqqiunnerannut periutsit atuutisneqarnissaat. Aalajangiinnerup inatsisitigut eqqortuunissaanut piunasaqaataavoq, soorlu siunnersuutigineqartumi aalajangersakkatut, inerteqqutinik imaluunniit naalakkiutinik aalajangiinnerit tunniunneqartassasut uumasut nappaataannik inunnet tunillaassorsinnaasunik taakkulu akuinik siaruaassinnaasunik akiuiniarneq pillugu immikkut pineqaatissiinissamik ingerlatsisinnaanissamut killiliissutitut imaluunniit, siaruaanissamut aarlerinarsinnaasunik naapigiaatissatut atuuttussanik imaqartumik. § 9, imm. 4-mi inatsisissatut tunngavissamik ilanngussisoqarpoq, tassa Naalakkersuisut inerteqqutinik aamma naalakkiutinik maleruagassanik aalajangersaasinnaanerat.

*Nr. 2-mut*

Aalajangersakkatigut pineqaatissiinissani tunngavigineqarsinnaasut allattorsimaffianik imaqarpoq, uumasut nappaataannik inunnet tunillaassorsinnaasunik taakkulu akuinik siaruaassinnaasunik akiuiniarneq pillugu immikkut pineqaatissiinissamik ingerlatsisinnaanissamut killiliissutitut atuuttussanik imaqartumik. Allattorsimaffimmi taaneqartut periarfissaqartitsisuupput. Pineqaatissiinerit uumasuutitut uumasunillu tunisassianit pisuupput, nerukkaatissat, maqalluk aamma naggorissaatit il.il. aamma, uumasunut atatillugu illuutitut atorneqartunut atatillugu nappaalasoqarnerani aamma uumasunut atatillugu nappaalasoqannginneraniluunniit. Uumasuuteqarnermi pineqaatissiisinnaaneri ilaatigut tunngavilersorneqarsinnaassapput uumasuutigisat nappaalasinnaanerinut naleqqiullugit agguataarneqarnerisigut, inissiineri amerlassutsimut piunasaqaatit, uumasut inissinnissaannut immikkuullarissunik piunasaqaateqarneq, soorlu assersuutigalugu tamavimmik iserteriarlugit tamavimmik anisinnissaannut periutsit, aaqqissuussinernut immikkuullarissunik piunasaqaatit aamma, uumasuutit aaneqarnerinut, immuit, manniit aamma tunisassianut allanut atatillugu periuseqarnissamut maleruagassat.

*Nr. 3-mut*

Aalajangersakkap siunnersuutigineqartup inatsisitigut Naalakkersuisut inerteqqutinik aamma naalakkiutinik maleruagassanik aalajangersaasinnaaneranik uumasut nappaataannik inunnet tunillaassorsinnaasunik taakkulu akuinik siaruaassinnaasunik akiuiniarneq pillugu immikkut

pineqaatissiinissamik ingerlatsisinnaanissamut killiliissutitut imaluunniit siaruaanissamut aarlerinarsinnaasunik naapigiaatissatut atuuttussanik periarfissiivoq. Inatsisitigut tunngaviusoq ilanngunneqassaaq, peqqissaartumik aaqqiissuteqarluni aqutsisinnaaneq atuussinnaaqqullugu.

*Nr. 4-mut*

Aalajangersakkami siunnersuutigineqartumi erseqqissarneqarpoq § 12, imm. 1, nr. 1 Uumasut Nakorsa qarfiat Inuussutissalerinermullu Oqartussanut atatillugu § 9, imm. 1 naapertorlugu aalajangiisimatillugu malitseqartitsinissaanik. § 12, imm. 1, nr. 1-ip ilanngutinngilaa Naalakkersuisut maleruagassanik unioqquutitsisoqartillugu akiliisitsinikkut aalajangersaasinnaanissaannik, taakkua § 9, imm. 4 naapertorlugu tunngaveqartillugit tunniunneqarsimappata, takuuk § 12, imm. 2.